

## **A Mga Tagsa-tagsang kalainan. Buhat 6:1-7**

### ❖ **Ang problema.**

- Usa ka hugpong sa katawhan (mga Judiong gikan sa Gregong kabilin) mibati nga sila wala kaayo tagda kumpara sa mga gikan sa Judea (mga Hebreohanon).

### ❖ **Ang sulbad.**

- Ang dose ka mga apostoles nagpatawag sa Iglesia alang sa usa ka panagtigum ug nagsugyot og usa ka sulbad: ang pagbahin sa buhat ngadto sa duha ka hugpong; ang Ministeryo sa Pulong ug ang Ministeryo sa mga Talad-kan-anan.
- Ang sulbad nasukad sa mosunod nga mga pangatarongan:
  - (1) Ang alinghuna sa matag usa nabatian.
  - (2) Nakadaiya ang mga responsibilidad.
  - (3) Ang Iglesia mopili og angayan nga katawhan.

## **B Mga Kulturanhong kalainan. Buhat 10:1-11:24**

### ❖ **Ang problema.**

- Ang Iglesia nagtuo nga buot sa Dios luwason lamang ang katawhan sa Israel. Niana nga kabutang, ang katawhan gikan sa ubang mga kultura dili makalakip sa kaluwasan kon sila dili mamahimong Judiohanon. Sila milikay gani sa pag-ipon sa mga Gentil.
- Ang Dios nagpataliwala pinaagi sa pagpadalag panan-awon kang Pedro, aron sa pag-agni kaniya pinaagi sa pagduaw sa pinuy-anan sa usa ka Gentil.
- Ang Iglesia sa Jerusalem naghunahuna nga si Pedro kinahanglan sawayon alang nianang “salaa.”

### ❖ **Ang sulbad.**

- Ang Dios nagpataliwala pag-usab aron agnihon si Pedro sa pagdawat kang Cornelio ug ang iyang panimalay ingon nga kabahin sa Iglesia. Sila nabautismohan bisan sila dili mga Judio ug sila wala nangatuli.
- Kinahanglan si Pedro magsaysay sa detalye ngadto sa mga pangulo sa Iglesia kon unsay nahitabo didto kang Cornelio.
- Ang sulbad nasukad sa:
  - (1) Direkta nga pagpanginlabot sa Balaang Espirito.
  - (2) Mapaubsanong pagtugyan sa mga pangulo sa Iglesia ngadto sa Balaang Espirito.

## **C Mga kalainan sa doktrina. Buhat 15:1-22**

### ❖ **Ang problema.**

- Kinahanglanon ba ang pisikal nga pagtuli aron maluwas? O ang pagtuli ba sa kasingkasing (pagkakabig) igo na aron maluwas?
- Ang Iglesia nagtigum ug ang mga Judaizers nanalipod sa ilang doktrina uban ang mga kutlo sa biblia.
- Si Pedro nag-asoy sa iyang kasinatian didto kang Cornelio. Si Pablo ug Bernabe nanalipod sa ilang punto pinaagi sa pag-asoy sa mga kahibulongang butang nga nabuhat taliwala sa mga Gentil

### ❖ **Ang sulbad.**

- Ang Iglesia nanginahanglan og usa ka pag-usab sa kapaingnan. Nanginahanglan sila magsalikway sa mga tradisyon sa kasiglohan ug magbasa sa Kasulatan ilalum sa giya sa Balaang Espirito.
- Ang kaluwasan kinahanglan moabot sa matag usa nga walay pili. Mga bag-ong kamatuoran mitumaw sa dihang sila nagbasa sa Kasulatan uban niini diha sa hunahuna.
- Ang mga lakang sa kasulbaran mao ang:
  - (1) Mga pangulo sa Iglesia nanagtigum.
  - (2) Matag usa nagsaysay sa ilang baroganan.
  - (3) Nga sila nangayo alang sa Balaang Espirito ug nagtuon sa Biblia.
  - (4) Ang desisyon gisulat.